

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK
OPĆINSKO VIJEĆE

PRIJEDLOG

Na osnovu člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Tešanj na svojoj ____sjednici održanoj dana __. __. 2019. godine donosi

ODLUKA

o izmjeni i dopuni Odluke o načinu rasporeda budžetskih i drugih sredstava za dugoročnu podršku realizaciji kapitalnih projekata

Član 1.

Ovom Odlukom vrše se izmjene i dopune Odluke o načinu rasporeda budžetskih i drugih sredstava za dugoročnu podršku realizaciji kapitalnih projekata ("Službeni glasnik Općine Tešanj" broj 02/17), tako što se iza člana 6. dodaje novi član 7. koji glasi

"Član 7.

Općinski načelnik sa saradnicima će planirati i održati dva sastanka tokom godine sa predstavnicima MZ i to :

- Nakon usvajanja Plana kapitalnih ulaganja radi upoznavanja sa usvojenim dokumentom i priprema za realizaciju u tekućoj godini (okvirno februar-april),
- Na početku procesa kandidovanja projekata za narednu godinu po principu 1+2 (okvirno septembar-novembar)."

Član 2.

Iza člana 7. dodaje se novi član 8. koji glasi:

"Član 8.

Obavezuju se mjesne zajednice da tokom godine radi definisanja prioriternih potreba prate potrebe građana kroz konsultacije i razgovore sa građanima, provođenje anketa, a po mogućnosti i jednom godišnje održe **sastanke-forume građana**. Prilikom kandidovanja prioriteta prema općini mjesne zajednice će uzeti u obzir sve prikupljene informacije i utvrditi konačni prijedlog prema općini."

Član 3.

Dosadašnji član 7. postaje novi član 9. , a dosadašnji član 8. postaje novi član 10.

PREDSJEDAVAJUĆI VIJEĆA

Senad Subašić, dipl. oec.

OBRAZLOŽENJE

I - Pravni osnov

Pravni osnov za donošenje ove odluke čini: član 32. Zakona o principima lokalne samouprave Federacije Bosne i Hercegovine (*Službene novine Federacije BiH*, broj:49/06), i član 59. Statuta Općine Tešanj (*Službeni glasnik općine Tešanj*, broj:11/07).

II - Razlozi donošenja

Općina Tešanj već duže vrijeme ima uređene procedure kandidovanja, kao i kriterije odabira projekata koji se realiziraju u mjesnim zajednicama. U posljednje dvije godine u odnosu na raniju praksu dopunjen je vremenski koncept planiranja metodologiju 1+2 godine, a osim toga u praksu su uvedena dva godišnja sastanka Načelnika sa svim mjesnim zajednicama i to na početku procesa kandidature, te nakon usvajanja/verifikacije Plana kapitalnih ulaganja.

Predloženim izmjenama važeće Odluke o načinu rasporeda budžetskih i drugih sredstava za dugoročnu podršku realizaciji kapitalnih projekata navedena praksa postaje obaveza. Drugim riječima ono što se pokazala kao dobra aktivnost ili praksa postaje institucionalna obaveza.

Osim ovih razloga, inicijativa za izmjenu i dopunu ranije odluke podržana je kroz Projekat "Jačanje uloge mjesnih zajednica (MZ) u Bosni i Hercegovini (BiH)" koji je zajednička inicijativa Vlada Švicarske i Švedske, a koji realizuje Razvojni program UN. U saradnji sa CCI koji je partner UNDP BiH na realizaciji ovog projekta „Jačanje uloge mjesnih zajednica u BiH“, Predsjednici Savjeta mjesnih zajednica partnera na projektu i to: Jablanica, Jelah, Kalošević, Miljanovci-Lončari, Raduša i Tešanjka su u skladu sa potrebama i aktivnostima definisanim Planovima za unapređenje uloge mjesnih zajednica u procesu donošenja odluka na lokalnom nivou i pružanje osnovnih javnih usluga, uputili inicijativu koja bi poboljšala procese donošenja odluka uz povećano učešće građana i to kroz:


1. Održavanje sastanaka/foruma građana, provođenje anketa i održavanje širih konsultacija sa građanima u MZ prije kandidovanja projekata za kapitalna ulaganja po MZ u cilju sagledavanja stvarnih potreba građana i

2. Nastavak uvedene prakse održavanja zajedničkog sastanka predstavnika Savjeta mjesnih zajednica i općinskog načelnika/šefova općinskih službi dva puta godišnje

Usvajanjem izmjena i dopuna ove Odluke primjenili bismo dio metodologije preporučene od strane UNDP BiH te stvorili dobre pretpostavke za nastavak saradnje i u II fazi Projekta Jačanje uloge MZ u BiH, povećali referense za projekat MEG, poboljšali kapacitete mjesnih zajednica i značajno dali mogućnost za povećano učešće građana u procesu donošenja Odluka, to su osnovni razlozi zbog čega je pripremljen ovaj prijedlog za izmjenu i dopunu Odluke o načinu rasporeda budžetskih i drugih sredstava za dugoročnu podršku realizaciji kapitalnih projekata, koji se dostavlja Općinskom vijeću na razmatranje i usvajanje.


OBRADIVAČ

Služba za društvene
djelatnosti i investicije


Azra Muslija, dipl.pravnik

PREDLAGAČ

Općinski načelnik


Mr. sci. Suad Huskić

Broj: 02-49-2-2704-2/18

Datum: 11.01.2019.godine



SLUŽBENI GLASNIK OPĆINE TEŠANJ

IZDAVAČ: Općinsko vijeće Tešanj	Godina L - Broj 2	ŠTAMPA: Općina Tešanj
UREĐUJE: Stručni odjel Općine	Utorak, 07.03.2017. godine	Priprema: Sajda Klepić, Tehnički sekretar Vijeća
Tel. 032/650-022	TEŠANJ	"Službeni glasnik" izlazi po potrebi
Irg Alije Izetbegovića 11, 74260 Tešanj		
E-mail: sajda.kleplic@opcina-tesanj.ba		

Na osnovu člana 14. stav 1. Zakona o komunalnim djelatnostima («Službene novine ZE-DO», broj: 17/08), člana 35. Zakona o zaštiti potrošača u BiH ("Službene novine FBiH", broj: 25/06) i člana 14. Statuta Općine Tešanj («Službeni glasnik Općine Tešanj», broj: 11/07) Općinsko vijeće Tešanj na svojoj 5. sjednici održanoj dana 02.03.2017. godine donijelo je

ODLUKU

o izmjenama i dopunama odluke o zagrijavanju Tešnja daljinskim grijanjem i Uslovima za isporuku i preuzimanje toplotne energije

Član 1.

U Odluci o zagrijavanju Tešnja daljinskim grijanjem i Uslovima za isporuku i preuzimanje toplotne energije ("Službeni glasnik Općine Tešanj", broj: 4/12), član 183. Uslova za isporuku i preuzimanje toplotne energije dopunjuje se novim stavom koji glasi:

"8. Za sve korisnike toplotne energije koji su izvršili implementaciju mjera energetske efikasnosti a kojima se obračun isporučene toplotne energije vrši putem mjerača toplotne energije, plaćaju paušal po stopi od 10 %, umjesto 25 % koliko plaćaju ostali potrošači.

Za sve objekte/zgrade koje imaju Certifikat energetske efikasnosti kroz pojedinačne odluke će se utvrditi i niža cijena toplotne energije za potrošeni MWh.

Izuzetak čine objekti kolektivnog stanovanja kod kojih ne postoji tehnička mogućnost ugradnje individualnih mjerača toplotne energije u stanove ili poslovne prostore.

Primjena poticaja kod obračuna iz ovog stava počinje nakon što korisnik toplotne energije JP "Toplana" predoči Certifikat energetske efikasnosti."

Član 2.

Ova odluka stupa na snagu narednog dana od dana objavljivanja u "Službenom glasniku Općine Tešanj".

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Senad N. Subašić, s. r.

Broj: 02-02-1-354-2/17

Datum: 03.03.2017.godine

Na osnovu člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Tešanj na svojoj 5.sjednici održanoj dana 02.03.2017. godine donosi

ODLUKU

o načinu rasporeda budžetskih i drugih sredstava za dugoročnu podršku realizaciji kapitalnih projekata

Član 1.

Temeljni kriteriji za raspodjelu sredstava, namijenjenih za podršku realizaciji kapitalnih projekata na području općine Tešanj u periodu 2016-2020 godina, bit će broj stanovnika na području svake mjesne zajednice u kojoj (kojima) se projekat realizira (Parametri za određivanje broja stanovnika na području svake mjesne zajednice bit će godišnje ažurirani podaci o broju vlasnika ličnih karata (CIPS)).

Općina Tešanj će u realizaciji kapitalnih projekata u mandatnom periodu 2016-2020 godine ravnomjerno finansirati kapitalne projekte na području svih mjesnih zajednica iz budžetskih sredstava općine i budžetskih sredstava drugih nivoa vlasti, koliko prijedlozi i prioriteta općine budu uvažavani.

Član 2.

Utvrđuje se iznos minimalno 60 (šesdeset) % ukupnih sredstava planiranih za realizaciju projekata u jednoj godini za podršku realizaciji kapitalnih projekata u mjesnim zajednicama. Projekti za mjesne zajednice će se utvrđivati na osnovu prijedloga od mjesnih zajednica te kao takvi će biti predloženi u godišnjoj odluci/Listi kapitalnih ulaganja.

U slučajevima gdje Općina finasira čišćenje divljih deponija na području, za mjesne zajednice u kojima se utvrdi da su za nastale divlje deponije odgovorni stanovnici te mjesne zajednice, kao i da organi te mjece nisu ništa uradili na prijavljivanju građana koji vrše nelegalno odlaganje smeća, nastali troškovi će biti obračunati sa stavke predviđene za projekte za tu mjesnu zajednicu u narednoj godini. Početak primjene ovakvog obračuna troškova čišćenja divljih deponija će biti za 2018.godinu, sa podacima iz 2017.godine.

Član 3.

Utvrđuje se iznos do 20 (dvadeset) % ukupnih sredstava planiranih za realizaciju projekata u jednoj godini za podršku realizaciji kapitalnih projekata od općeg interesa na području općine Tešanj. Projekti od općeg interesa na području općine Tešanj su projekti koji obuhvataju potrebu i korist za sve građane općine Tešanj, iz bilo koje oblasti života, zatim projekti podrške razvoju privrede, poljoprivrede, turizma ili drugih djelatnosti korisnih za razvoj lokalne zajednice. Projekti od općeg interesa mogu se realizirati i na pojedinačnim područjima, kada Općinsko vijeće potvrdi svojom odlukom takvu podršku. Svi projekti od općeg interesa će se usvajati na sjednici Općinskog vijeća zajedno sa drugim projektima koji će se realizirati u svakoj godini.

Član 4.

Utvrđuje se iznos do 20 (dvadeset) % ukupno planiranih sredstava za realizaciju projekata u jednoj godini za podršku realizaciji projekata solidarnosti. Projekti solidarnosti mogu obuhvatiti, projekte kojim se rješavaju vanredne situacije u bilo kojoj sredini (klizišta, odroni, prirodne nepogode, epidemije i drugo) a koje nisu mogle biti planirane u okviru redovnih projekata, jer se nije znalo da će se dogoditi. Projekti solidarnosti mogu biti i projekti rješavanja nužnih infrastrukturnih pitanja u sredinama u kojima podrška realizaciji tih projekata na osnovu temeljnog kriterija (broja stanovnika) nije dovoljna. Svi projekti solidarnosti će se usvajati na sjednici Općinskog vijeća zajedno sa drugim projektima koji će se realizirati u svakoj godini.

Član 5.

Mjesne zajednice koje ne budu obuhvaćene u raspodjeli jedne godine, bit će predmet raspodjele sredstava za

kapitalne projekte naredne godine i dalje sve dok se ne uravnoteži podrška kroz budžetska izdvajanja na osnovama raspodjele prema kriterijima iz člana 1. ove Odluke u vremenskom okviru ovog mandatnog perioda. Kod raspodjele sredstava i dalje se očekuje učešće građana u finansiranju projekata a prilikom kreiranja liste vodit će se računa i o ulaganjima u mjesne sredine proteklih godina.

Član 6.

Mjesne zajednice kod kojih su u toku ili trebaju biti uvršteni u realizaciju projekti vodosnabdijevanja i kanalizacije moraju biti prioritetni u odnosu na ostale. Prilikom raspodjele sredstava u obzir će se uzeti i potpisani ugovori o načinu vraćanja dugova mjesnih zajednica iz ranijeg perioda.

Član 7.

Stupanjem na snagu ove Odluke stavlja se van snage "Odluka o načinu raspodjele budžetskih i drugih sredstava za dugoročnu podršku u realizaciji kapitalnih projekata" (Službeni glasnik Općine Tešanj broj 10/05 i 3/13).

Član 8.

Ova Odluka stupa na snagu narednog dana od dana objavljivanja u "Službenom glasniku Općine Tešanj", a primjenjivat će se kod planiranja kapitalnih ulaganja u 2017 godini, zaključno sa krajem budžetske 2020. godine.

**OPĆINA TEŠANJ
OPĆINSKO VIJEĆE****PREDSJEDAVAJUĆI VIJEĆA
Senad N. Subašić, s. r.****Broj: 01-02-1-425-3/17****Datum: 03.03.2017. godine**

Na osnovu člana 8. stav 3. alineja 8. i člana 13. alineja 5. Zakona o principima lokalne samouprave ("Službene novine FBiH", broj: 49/06, 51/09) i člana 14. Statuta Općine Tešanj ("Službeni glasnik Općine Tešanj, broj: 11/07), Općinsko vijeće Tešanj, na svojoj 5. redovnoj sjednici održanoj, dana 02.03. 2017.godine, d o n o s i:

O D L U K U**o izmjenama i dopunama Odluke o pogodnostima
za investitore u Poslovnoj zoni "Bukva"****Član 1.**

U Odluci o pogodnostima za investitore u Poslovnoj zoni "Bukva" ("Službeni glasnik Općine Tešanj", broj: 6/13 i 2/15) mijenja se član 1. i glasi:
"Općina Tešanj (u daljem tekstu: Općina) će sve poduzetnike koji su investirali u Poslovnoj zoni "Bukva" u daljem tekstu: investitor) koja je definisana